

正一法文法錄部儀

肆
五

正一法文法籙部儀

肆五

黃素三盟登壇儀

某國號某年太歲某某月朔日子某時係天
師某治炁太一道士三洞法師五嶽遊行先
生某郡某縣某鄉某里真人男官某共從三
洞法師太一道士男官某受老君元差天地
日月五星上三天真一太一普督五倍以五萬
五千五百五十五億萬重諸天諸日月星辰
諸仙府諸世間諸地山嶽天神地祇五嶽四
瀆三河九江四海八極山神水靈千累萬靈


一切皆屬上三天真一太一今謹以其歲月
朔日子某時傳付某郡縣鄉里真人某甲年
如千歲稟炁清淳好道樂生陰陽中和五炁
治身先受黃圖契令真天赤籙真天三二真
一太一素券從來積年未能飛仙今求進受

肆五

上三天真一太一三十二天帝位符信受持
金剛分真形投金魚稱與諸天地水三官結
盟對共分金破契刻臂喻血飲丹結髮身命
爲誓與某甲共爲一身同心合契奉行天真
修行神仙志同齊舉飛昇上天不得耽染色

慾不專正一一旦受道之後三十六年遇賢
聽傳可授之人不得妄傳不得自欲高位不
崇根本背向異辭二心兩舌誹謗師道攻伐
師主一旦違負契令身謝三官長爲下鬼削
除生名不得怨恨甲自好樂神仙時不拘迫

手共畫一爲信



右太一真盟上契左右書之

國號某年太歲某月朔日子某時某郡縣鄉
里男女官太一道士真人某甲年如干歲詣
臣某度受太一登壇盟約真一口訣結盟拔
度生死不得負違一如

老君律令


右太一中盟契



清微天關書餘天登亭天關
古回天迴影天務天齊
三盟證天盟誓地三盟終天

係天師某治炁五嶽遊行先生臣姓某乙以
去某年太歲某月某日某時從三洞法師陽
平治功平五炁左平炁某嶽先生真人姓某
乙受太一真契三盟之法拔度生死上遷九
幽之中七祖名籍下度己身三男之庶保成

上仙太一同轄太一道士某郡縣鄉里男女
 生某乙於某郡縣鄉里中結盟奉受拔髮結
 髮生死為誓不負太一帝君神仙大盟律令
 五帝魔王過度太一道士甲生死三界名上
 仙品



肆五

三

右太一下盟左右書之

夫受三盟者應須五人七人九人同共結盟
減此不合法也上拔度百曾之罪下過度三
界宮真妙之事極於三盟生死成仙無有差
違受者結人爲盟未至五日逆上盟刺條郡
縣治位告下二十四獄拔出甲等七祖父母
遷達沐浴竟五日然後而授此祕之師口萬
金不傳傳之後賢非賢勿泄

某郡縣鄉里男女官某甲年如干歲

右如干人先受黃圖赤籙三一真一太一一
言之訣從來積年未能幽究宿緣今齋信詣

臣求受太一真一契三盟都券請授謹狀
係天師某治炁某嶽先生臣姓某乙

上言謹按文書臣以人微肌腥骨晁謬蒙明
時師老布化之際過秦負荷教化無效宣勸
逋替夙夜戰慄如履冰谷有男女官太一道
士某甲等如千人年如千歲先受訣言未受
太一三盟秘法今各齋法信詣臣乞結盟元
元丹赤感於神明求乞之至微於影像臣輒
受法信教以訣言道重人輕不敢便授共登
黃壇授以盟言要誓天地日月爲盟刻臂飲

丹誓告神明不敢妄傳甲受盟之後不得輕
傳泄露真要自當奉承師法皆如今約一旦
負違今誓甲當以身謝天地水三官萬歿之
後不敢有怨乞原甲未受訣之前所犯一切
赦貸恩惟

牌五

太上太一帝君慈父聖母則蒙四
省理

右操臣度太一登壇三盟付授訣言

黃素中章

某郡縣鄉里男官某甲年如干歲等乞恩辭

某素以胎生肉人千載有幸得在道門戶屬
師主某甲治以係天命昔蒙明時得參中祕
黃圖赤籙三一真一太一迴車畢券之訣從
積年之善功未立譴闕非一夙夜憂懼若履
冰谷雖復導生養烝蒙恩無他未得奉修九
誠百二十事仰謝三十二天請度宿命之法
無上三天真一太一登壇大盟實所未聞不
惟六蔽知進忘退謹齋法物三十二種奉操
詣治乞丐成就如蒙教授不敢泄露攻根伐
本負違契令某等以身謝天地水三官歿命

敢恨謹辭

太歲 云云

某郡縣鄉里男女官某甲等謹條法信如左
生米一斛緋繒六十四尺柳薪一束筆一雙
鐵二百五十斤墨一九玄繒二百五十尺書

肆五

五

刀一口黃金十二兩大席一領黃素二百四
十尺真珠一兩法巾一枚褐一領金環一雙
法案五枚明鏡一面盛戒五綵法囊一枚法
信盟錢三萬二千盛經集文錦囊一枚命絲
三十二兩清淨毘盤七各一枚青銅劍一枚

和香五奩生口男女替代各一人明光錦百
二十尺銅八十斤青繒八十一尺生硃砂六
十四兩白銀十二兩大紙一百張白絹三百
六十疋

右三十二種奉操詣治受登壇三盟

上言謹按文書臣以人微忝佩太一尊任搜
授賢能應補仙品者有牒男女官某乙等稟
炁清淳好道樂生今奉受五炁陰陽治身鍊
炁積年材堪進補上三天真一太一極品上
統五億五萬五千五百五十五億諸天諸日

諸月諸星宿諸仙府諸仙聖諸仙闕諸山嶽
天神地祇五嶽四瀆三河九江四海八極九
宮八卦神室山神水靈一切千鬼萬神普攝
衆神三萬六千普統衆靈總御衆官侍從衆
仙及家國三魂七魄三鬼五神千二百形影
萬二千精光一時並來更仙練某等今一旦
受上三天真一太一之後不得背違上三天
盟誓攻伐師主輕泄妄傳必須擇賢三十三
年一傳不得違約違約之日某等身神沈翳
長爲下鬼命爲土塵削除仙名不得廁預仙

品長歿三官考召君吏所考事立所召者詣
肉人元元須待拜署謹爲拜章一通上詣
上三天無上太上一君太上上三天太上上
帝君上三天太上元君三天太元一君上三
天大道萬道根宗天地本始上至無上下洞

肆五

六

無窮遠至無邊無極幽微衆官萬靈上三天
之上五億五萬五千五百五十五億諸天君
將吏功曹使者謁者僕射書佐小吏將軍吏
兵馬騎乘各從官五億五萬五千五百五十
五億萬衆一合從上上上無上上三天之上

蓋天來下入甲等身中從頭至足布巾骨節
五藏六府九宮十二神室四肢五體百八十
關機三百六十骨節孔竅營衛筋骨血脉安
某等三魂定某等七魄仙某等三魂正五神
生五藏應五星召還三萬六千餘神署生官
各安宮室使仙道畢成舉形飛昇上爲真人
更定仙壽萬八千歲願上三天太一天尊萬
道之主萬神之宗將從天仙鎮某等身中檢
錄萬神願上三天之上飛仙君將神仙君將
度世君將神人君將真人君將元陽君將萬

生君將萬炁君將導仙君將胎息君將元精
君將延壽君將太極君將太一君將清微天
禹餘天大赤天君將吏兵馬騎乘一合來下
入其身中營生養性還年補腦行生布炁金
丹神漿玉液入其等身神玉女侍衛左右九

肆五

七

天丞相削除死籍上名三天生錄與天地無
窮周旋天下六合載名山嶽出入人間延年
益壽辟斥五兵水火災危縣官口舌疾病喪
禍虎狼猛獸毒蟲冤家盜賊伏匿黃淵埋頭
萬丈不得妄宣若有符師道士支散雜靈六

天故炁飲食鬼神一切逆匿登山履嶮萬神
扶將周旋天下地上神明交降所在立驗仙
道必成胎息服御導引神炁內外光明雲行
身中上昇清天黃老立宥神仙結友交遊真
人飛騰高舉上補天仙乘雲駕龍拜謁道君
壽終不老與日月齊明飛行超越隱顯浮輪
并遷某家七世父母上至億曾萬祖皆昇三
天列補仙官恩惟
太上無極太一君垂恩省納分別求哀
右破三盟契後付授赤章

太一黃素三盟儀章

謹啓黃素丹盟告諸弟子某甲等應諾太清
太一無量清法門下真一五炁太一九宮成
具滿足便得仙度太上於崑崙進登天首大
治七寶觀上召天師張道陵而告之曰吾道
出於無先太初之前無所從生靡所不成吾
昔於此觀上啓受妙法吾以聰明智慧攝意
奉行便得微妙玄通求道上仙莫有踈怠之
名奉行黃老之道生死之訣當畏法慎戒生
門之中生道有一死道有九驗於大度常當

戰戰如履冰劍把毒常懼害及其身謙謙曲躬卑辭下物勤心苦行無虧孝敬受訣之後奉行法戒無違分數九一之法生道之極耶天師再拜承盟奉修位登天師後授王長趙昇三夫人洛下三公皆得白日昇天登壇如

肆五

八

左
謹請盟誓列啓三官甲等受盟誓天地為信指日月為盟引三曾五祖七世父母自身證約不輕傳泄登壇之訣九年聽傳三人若世無可傳者啓宣三官發先盟書封諸事訣藏

之深山石室不違盟約甲等七祖父母上昇
玄宮受福天官身得仙度福流萬世世蒙榮
寵若妄傳非其人甲等七祖父母下受風刀
之考身沒積夜之河殃流萬世世受考喻
血飲丹披靈赤心啓封三官日月所照天地
所聞結盟之後司命削某等死籍度著生錄
使天官注仙名地官除死籍水官絕殃考壇
上三官考召君吏并甲等所佩將軍吏兵保
護肉人必使仙度若甲等先世因緣宿對未
應即仙要須尸解躡經太陰者甲等以得登

壇大度結盟三官罪滅福生應昇神室福堂
二十四神自守衛甲等形骸不使魂魄離散
骨肉是腐二十四年舉形化出宿緣應死超
然復生枯腐之骸枯骨受仙沈淪隱見無所
拘閉此是登壇結盟三官之力超登殊劫過

肆五

死度生之福明自修慎不敢違負今約

九

謹宣盟約告諸弟子同壇共視師其父母若
有危難當衆共濟若橫罹縲紲當審明極窮
濟之趣急度疾危不得輕師負盟親相捐棄
若如此而不救告而不赴者有危之身發盟

告神求乞免度違盟者受考告靈者得福若在危難之中不測之地向師存亡所在靜夜披露丹心啓求度脫若未蒙濟免自當神告景應知其罪福盟誓君吏壇上三官自應侍衛營護必得無他但當敬承盟約不違信誓自得仙度衛護君吏考功記過壇上三官主償罪福明白證慎

某國號太歲某月朔日於某州郡縣鄉里中係天師某治臣某甲從某治道十某奉受傳某郡縣鄉里某甲

太上黃素丹盟三條登壇者各朱書黃素佩
隨身生則受仙之券死則拔逮之根三官證
拔生生受福無復罪緣

太一登壇黃素三盟逆刺付授儀

東向

叩齒二
十四通

謹出臣身中五體真官神仙五炁功曹吏出
太一金剛元炁直使功曹通神功曹五元功
曹和合功曹運炁功曹統仙功曹各二十四
人出王炁左官使者平炁右官使者陰陽神
決吏仙化吏科車赤符吏剛風騎置驛馬上

章吏官各二十四人出某郡縣鄉里中真正
之官監察注炁考召四君逮召諸君將吏等
左右平炁君左右都候君左右執平君左右
執法君東方九天九炁君南方三極三炁君
西方七合七炁君北方五元五炁君中央一

肆五

十

炁君陽平鹿堂等二十四治炁三十六靜廬
天師門下君將吏兵所布下道上二玄三元
四始五德六合甲子諸官君周天八極飛仙
君養性長生青龍騰蛇君等奉行文書事謹
操臣爲男女生民太一道士某乙度金剛畢

券或登壇黃素三盟拜露刺一通刺今露在
中庭玉案上請省功曹使者將軍吏兵須考
正甲等合悉連名保負須所召者詣所下者
至功成事立臣拜章報授畢各還臣宮室中
伏須效應匍匐當刺臣

右授金剛畢券上刺出官

授太一三盟大券口刺

其郡縣鄉里男女生官某甲等年如干歲字
某乙戶屬師主某乙治男女官某乙等稟性

慈仁素體溫良鍊炁積年廁身祕門參染真

要階緣上道奉受太一金剛契令曉知三炁
飛仙之訣雖備衆契未遂登壇生死大盟今
齋信儀連名誓身束骸告臣求受太一三盟
登壇大券明真大諱三百六十圖號千二百
口訣依先師本法告傳謹狀

肆五

十一

具位係天師某治炁臣某甲稽首再拜上啓

太上无極大道太上老君太上丈人太一帝
君皇天上帝无極元君道德衆尊三天法師
正一真人門下典者施行飛仙君吏臣運逢
天通係命玄教銜宣法化搜索有道遊行世

界拔度天人今有宿命因緣從虛无中來某
郡縣鄉里男女官某甲年如千歲甲等素染
玄教練備真文奉受衆契修行真祕雖備上
法未破玄誓今相攜率操齋法儀束骸詣臣
求受太一登壇三盟生死處仙大券黃素證

誓臣昔從大洞真人亦奉受約當傳授後賢

察甲等專誠樂道在可成就輒剋某月某日
時於某嶽山之中共立黃壇證誓五帝分符
破契告盟天地付授祕局施行口訣謹先於
此某郡縣鄉里中靈白刺奏上

天曹特願

太一帝君皇上帝大道留神照察若甲等骨
法合便依法付授玄都無骨法願為考正徒
上玉籙名備天仙到某日某時良日吉辰靈
嶽之中黃壇之上稽首告盟誓天證地付授
玄一高上之道生死大盟存亡成仙謹以啓
聞立須報應臣甲誠惶誠恐稽首再拜
以聞

臣姓

太上大道无上三天太一帝君太清玉陛下

太歲

右口刺

謹重勅五體仙官騎乘將吏騰臣所上某刺

上詣

太上左君玉閣下付與侍香青腰玉女等所

肆五

十二

言倒錯越失不得舊法者願為考正依本法

文若有干截公文者將吏神仙騎乘收付所

在獄中依事治罪令臣所啓上達伏須告報

臣所上事訖向出仙官吏兵各還官室彌綸

五官六府安官復職至日呼召復出

鳴鼓十三通三

咽无
畢

太一三盟付授儀

東向叩齒
二十四通

謹出臣身中神仙直使正一神官功曹陰陽
運炁明光使者左右官使者陰陽神決吏科
車赤符吏剛風騎置驛馬上章吏飛龍騎吏
左右龍虎君赤飛仙童官各二十四人出出
者嚴裝顯服具列威儀謹闕某郡縣鄉里中
真官注炁監察考召四君將吏社里邑君土
地靈祇八方監察神仙衆官

並備
真位

係天師太

一炁無極金剛畢券某嶽先生

臣某稽首再

拜上啓

太上無極大道太上老君諸君丈人太一帝
君天帝君皇上帝大道天師三師君太一神仙
玉曆真科付授威儀使者典行飛仙事臣萬
劫因緣謬聞大法運值有幸遇大洞法師真

肆五

十三

人某甲授臣登壇大盟生死證誓飛昇至道
玄元要訣衆真之券萬幸宿生悟性臣受法
以來積有年載雖未能察幽覩冥坐在立亡
重希玄降於身有科承科傳授以付後賢某
郡縣鄉里某甲年如千歲前蒙黃籙契令奉

受五金剛契令被炁積年練悉紀綱今操齋
信儀詣臣求受登壇三盟大訣目承先師本
法與甲等對共立壇證誓五帝分金破券喻
丹告盟甲等受道之後永爲身寶不得攻根
伐本指師謗道唱露要訣傳非其中泄靈
文施布世間一旦有違生死父母沈淪罪由
萬劫無原謹以啓聞須可奉行臣甲誠惶誠
恐稽首再拜

次讀券 讀黃盟

次畫一

畫一左手指天右手畫地以左手指中央師
便言係天師某治陳昔從大洞弟子某受
太一登壇盟券今依法傳授弟子某甲受此
證約當依真師盟壇大約不得攻根伐本指
師誇道泄露靈盟一旦有違萬死謝罪生死
沈淪上告天靈下示地祇中誓賢人三結靈
盟義不相負謹共畫一為信

次下髮

作結一結言清微天泓二結言禹餘天澄三
結言大赤天明上三天之帝真重為誓結髮

盟壇不負靈約

次刻錄言玄老大一關關刻
中言大上太一門石門也

次弟子盟丹水

某郡縣鄉里男女生太一道士某甲敢告丹
水甲好仙樂聖詣太一無極道士某甲受
太一三盟登壇大券明真大諱三百六十圖

肆五

十四

號千二百口訣甲為弟子不得背叛師道妄
傳世人違盟族傾背誓不生共喻丹水為盟
指天畫地以生神靈急急如律令

次師命丹法

太一無極道士姓某乙敢告丹水有其郡縣

鄉里某甲求受臣

太一三盟登壇大券明真大諱之訣萬道之神甲為弟子不得背違券契三監三天老君所明急急如律令

次師左手弟子右手共持丹水更喻

之各三止弟子先喻師後喻

醮壇法用醮具五盤香五鑪用棗五東向棗祭五

帝醮具九盤香九鑪用棗九東向棗祭太

係天師太一無極某治真人臣甲謹上詣

東方青帝南方赤帝西方白帝北方黑帝中

央黃帝太一帝君皇天大道太清玉陛下從
官九億萬騎搖天動地降此靈嶽皇壇之上
臨饗微醮屈靈齋臨謹有男女官某乙等受
黃素大盟長生拔仙大券施設微心上請
天尊伏願神顏曲眄世界眷憇蒼生愆闕不
及以唯乞願原赦便再拜

肆五

十五

次受契者先五拜次師左手授契與
弟子弟子左手取之三繞身畢東向
三迴九拜次又北向九拜太一君三
迴三拜又向師九拜次俱起於地戶

指天畫地左行三迴右轉召弟子七
祖證明如具

次重勅法

謹出_臣身中五體真官功曹吏出太一金剛
長壽功曹二百四十人太一度世功曹二百
四十人太一度命功曹二百四十人出太一
青腰玉女二百四十人出太一娥皇玉女二
百四十人出五老君將吏二百四十人出長
生永終吏二百四十人出東九夷南八蠻西
六戎北五狄中央三秦君將吏各二百四十

人出千乘億騎蓋天來下剛風騎置驛馬上
章吏官各二百四十人出今授甲等

太一三盟登壇大券明真大諱之訣

或金剛一言之

訣

當令甲等受道之後長生久視同襟仙聖

齊肩保器神耀不求而前祐令神丹金液靈

芝衆藥服練身形千道萬神爲甲驅使坐起
行往太陽在左太陰在右青龍白虎朱雀玄
武俠從前後天神當下地神並出五老神君
除甲死籍青書黃簡上甲生名七玄父母返
胎南宮合家大小皆享永延甲一旦違盟考

甲百曾捷蒙山之石填塞三河長充下鬼永
爲土囚一如契令依如

太上老君太上衆尊無極大道無上玄老五
炁道德萬生萬度萬福君丈人新出老君太
清玄元上三天無極大道太上老君太上丈

肆五

十六

人太上三炁君天帝君太上五炁律令

泰玄都正一平炁係天師某治太一道士太

上曾孫小兆臣甲稽首再拜

上言謹按文書臣等素自蟲蟻枯骨子孫千

載有幸得在道門被蒙大恩不以頑愚竊好

生法並蒙師老賜佩太一契令不唯功少希
慕上真以今月某日率同學某甲等詣無極
太一中宮道士某治郡縣鄉里某乙進受
無上太一證誓三天登壇死生三盟上拔七
世父母幽魂苦爽次以昇度某乙等生死之
愆腐骨臭肉未有微勤荷施山嶽非臣甲等
輕愚所享不勝重沓謹伏地拜章謝聞願上
官典者哀矜臣等乞上生名太清仙都玉曆
得在神仙種民輩中謹遣臣等身中三官考
召君將吏天官考地官考水官考清微天考

禹餘天考大赤天考此里中四面真官注炁
監察考召諸官將吏臣等投身託命生炁一
節奉承元老臣等所備宜畢真妙中玄皇壇
山岑之上太陽之下伏地拜赤中章一通上
奏至極太一凡前臣等從臣某乙共上告皇

肆五

十七

靈下指地祇冒黷以傳受恩惟玄極映明真
君蠲明注炁謹請無極自然神仙先天帝太
元君姓字率將騎乘日月五星五帝九宮五
嶽四海璇璣玉衡三河九江神仙兵馬太一
騎乘獨轆之車駕無極之馬前道至真精神

後從五帝陛下神仙騎乘俠從左右前無不
祥後無殃咎頭上璇璣足步北斗日月五星
導前從後震天動地一合來下各按次第左
右從臣某乙等三元會宮中一爲神主仙帝
之皇當爲臣等延上三天生炁太一神丹金
液玉漿入臣等身中八十一宮十二神室太
玄四注臣等五神太一神精五炁纓絡九元
練命三丹度生却死昇上晨極注入玄宮朝
翔五嶽高舉飄騰耀影闕鳳舉紫庭仙道
昇成毛羽詩生遨遊八表戲翫八臺交關華

霍賜與丹精九靈合華七祖昇遷魂入道鄉
閑樂之堂衣食自然臣等同盟之人有危之
日當更相救濟拔度為先上存法師次存同
盟人名自今以後不敢負三盟約言宗崇法
師唯善為先既往之罪負盟之愆唯乞原赦

恩惟

太上無極大道無上玄老太上三炁天帝君
分別求哀臣等謹因二官直使正一功曹上
右官使者陰陽神決吏科車赤符吏剛風騎
置驛馬上章吏官各二人出操臣等受太一

三盟拜上三日謝恩紙章一通上詣
天曹伏須告報臣甲誠惶誠恐稽首再拜

右三日謝恩章

四極明科開度文訣葛仙公撰

夫受靈寶三十六部尊經不受迴案即萬劫

肆五

十八

之中不得傳受既受迴案不破太一登壇三
盟金真妙契則七玄不離於鬱都那可便為
人師三盟既竟即七玄超度生死同仙便拜
迴案授為洞玄法師若七祖未拔三盟不破
輕授迴案則師受泄經之罪賤寶之愆依四

極明科荷風刀之考依三盟解釋則存亡超
拔標名諸天故拜為靈寶法師夫受靈寶開
度不顯於師則死籍不解瓊文無名徒受寶
經永無傳付閉塞大法於身為損受經既竟
便為開度上顯諸天下標諸地名徹諸真為
師上盟五帝為洞玄師若無此之功師輕度
迴案師則受輕泄違誤之罪身受風刀萬劫
無原後世為明識此言勿作輕說考及汝身
沈淪罪網萬劫無原考屬四極曾有急危災
疾呼太一名以左手執道父便仰頭三呼無

極太一君諱我今有某急危君當過我湯火
之中白刃之下過度九危之中知道為神知
道為真左迴還兩顧

子狩士徐名他二名上鼠頭人身黑衣持鑲
丑狩士秦何牛頭人身黑衣持鑲寅狩士徐

肆五

十九

方虎頭人身青衣持鑲卯狩士徐澤兔頭人
身青衣持鑲辰狩士徐皇龍頭人身青衣持
鑲巳狩士徐千蛇頭人身赤衣持戟午狩士
司馬籍馬頭人身赤衣持戟未狩士公孫昔
羊頭人身赤衣持戟申狩士石勝猴頭人身

白衣持弩酉狩士石衰雞頭人身白衣持弩
戌狩士徐阿狗頭人身白衣持弩亥狩士公
孫昔猪頭人身黑衣持鑲

右十二時狩士真名服符存呼之不得傳
非其人祕之慎之戴先生授謝穎川謝穎

川授道士陳藝道士陳藝授母仲度度授

劉散騎道符符授道士丁玄真

九和香法燒之香聞九里感徹神明

沉木香一斤青木香三兩甲香三兩薰

陸香一斤詹唐香三兩燮香一斤青漸

香一斤 雀頭香一斤 大乾棗二十枚

凡九種各異擣下篩以白蜜和令相著密器
中封其口三宿三日香成聞九里其法祕不
妄傳欲致神明合諸丹者燒之稍稍分著別
器中令炆不泄 此古九和也

肆五

三

正一法文法錄部儀



